



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CCCLI. Verhandlungen des Capitels über verschiedene Fischereien, 1383.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

bachtude dar nicht vortmehr schicken noch gebyden scholen, und verlaten und vertigen up des vorbenumeden Hern Didericks, Bischops, unses Hern, und finer Nakomen, Bischoppe, Behuf der vorbenumeden Dorpere Niendorp und Frisdorp und ohres Eigendumes unde Manschap unde aller ohrer vorschreven Tugehoringe unde aller Ansprake, Rechtigkeit unde Forderinge, die wy und unse Nakomelinge in gegenwerdigen und in tukomen Tyden daran hebben mochten, und wifen den ehegenanten Hern Didericke, Bischop tu Brandeb. unsern Hern, von finer und finer Nakomelinge wegen met dessen gegenwerdigen Brieve in die vorschreven Dorpe tu Niendorp unde tu Friftorp unde Eigendum und Guder und in alle ohre Tugehoringe nicht utgescheiden noch utgenohmen, und wifen sie an die Manschap und an die Lude, die dar Gutt und Walt hebben, unde befelen unde heiten den Mannen und den Luden, datt sie sich vortmehr an den vorschreven unsern Hern Bischop Didericke unde finen Nakomelingen holden scholen. Tuge dessen Dingk sindt die erbarn Manne Wichartt und Wichartt Vedderen, geheizen von Rochow, Domus, geheiten von Brandenborch, unde Diderick Vogelfack und mehr guder Lude genuch. Tu Orkunde unde tu Tuge hebbe wy Hentze Proft, Henrick Prior unde Capittel vogenant unse Ingesigel heiten hangen an dessen Brieff, die gegeben is tu Brandenborch na Godes Gebortt duzent Jahr dryhundert Jahr in deme dry und achtichsten Jahr, an S. Lucas Dage Apostoli et Evangeliste.

Nach einer Copie im ältern Copiarie.

CCCLI. Verhandlungen des Capitels über verschiedene Fischereien, 1383.

In den Jahren gades dritteinhundert Jahr in dem dry vnde achtigesten Jahre an fante Johans vnd Pavels dage vpper Borch tu Brandenburg in der Louinge vor des Prouestes grote dornze Katharina Heine Bremers wedewe wonastich tu Cotzin hat met guden willen vnde vulbort — ohrer kinder — vorkost eruelike Ern hentzen profte vnde deme Capitele tu Brandenburg die halue Cotzinsche hauelle wente an die nedderste hauelle an dy fürstede vor drittig mark siluers. — Hir sind by gewesett die duchtige man Bettke von Hakenberge wanhaftig tu Markede vnd Claws Mewes wonestich tu Markowe.

Echt in denseluen Jahren gades, des donnerdages an fante Marien Magdalenen Auende, vor my Arnde Wilkens Schulten, vnde Peter Hanfes, Peter Schlappen, Hans Mewes, Meweses Niendorp, Heine Kuleke, Hans Schönhusen vnde Hans Wend, schepen vnde Bure vp miner herren des Prostes vnde Capitels tu Brandenburg kitze, den men hett dy Wolkitz vor der Borch tu Brandenburg tur rechten handt, also men gad von derseluen borch tu der nienstad tu Brand. wartt, in gehegeden dinge Margrite Claws Bremers wedewe Borgerthe in derseluen neinstad tu Brand. vmme dat Claws Bremer ohre vorbenumede man dat Erue an der haluen hanelle Heine Bremere finem brudere, deme he dat vorkost hadde vnde nicht gelaten hadde, gaf vp met cyme ryse vnde verlit vp katherinen heine Bremers wedewen behuf also uele erues vnd rechticheit met allen nütten vnde togehoringen, als der katherinen van heine Bremer ohrem Manne vnd Dorotheen ohrer Tochter angestornen was an der haluen Cotzinschen hauellen vnd watern vnde an der haluen ouersten hauelen vnde watern van derseluen Cotzinschen hauelle wente an dy nedderste hauelle an die fürstede. Dunne gaf margarite Claws Bremers wedewe vorbenumet ses penninge tu afvartt vnde dry pennige tu winkope. Darna tu hant in demseluen gehegeden

dinge gaf ick Arndt schulte katherinen Heine Bremers wedewen met demseluen rife so uele Erues an der haele vnd watere vp. Dun gaf dy katherine Heine Bremers wedewe my einen wetepennig vnde gaf ses penninge tu vpart vnde fouen schepen penninge, dry winkoppennige vnde eynen fredepennig. Darna tu hant in demseluen gehegeden gedinge gaf dy kathrina Heine Bremers wedewe dy vorschreuen hauellen vnd watern vor my vnde vor den Schepen vnde buhren vp met demseluen ryse Ern Hentzen profte vp sin vnde des Capittels tu Brandenburg behuf. Dunne gaf diselue kathrina asuart alse to uor. Tu hant darna in demseluen gehegeden dinge gaf ick arnt Schulte die haele vnde watere mit dem ryse vp hern hentzen profte tu finer vnde tu des Capittels tu Brand. behuf. Dun gaf here Hentze profst wetepennige, vpartpennige, schepen pennige, wincoppennige vnd vredeppennige alse vor, vnde ick wrachte en frede aldar ouer van gerichtes haluen. Hir bi sind gewest die Duchtige man Betke van hakenberg wonestich tu Markede, Claws Mewes wonastich tu Markowe, Peter Hermens, Henneke Tacke, Peter Glindemann vnde Jacob Gortzig Borgere in der nienstad tu Brandenburg vnde mehr guder lude.

Nach dem alten Brand. Copialbuche.

CCCLII. Der Magdeburger Domherr Bernhardi kauft vom Domcapitel in Brandenburg dessen Haus, am 25. Jan. und 2. Febr. 1384.

Ego Nicolaus Bernardi, canonicus apud S. Nicolaum in novo foro Magdeburg. presentibus recognosco, me emisse curiam honorabilium virorum, dominorum prepositi et capituli ecclesie Brand. iuxta continentiam literarum suarum, quarum tenor sub meo sigillo sequitur in hec verba: Hentzo prepositus et capitulum ecclesie Brand. attendentes quod curia nostra in Magd. sita prope eam curiam, in qua est capella beati Georgii martyris propter nostram minus continuam inhabitationem in libertatis et juris sui defensione ac edificiorum nunc in ea existentium in esse conservatione et melioratione, habita super hoc deliberatione diligenti, honorabili viro, domino Nicolao Bernardi, Canonico apud S. Nicolaum in novo foro Magdeburg, de cuius legalitate plenam in domino gerimus confidentiam, quod eam in singulis prescriptis debeat utiliter et laudabiliter conservare et gubernare, pro decem marcis Brand. argenti Magd. ponderis, nobis per ipsum solutis in utilitatem nostre ecclesie converfis, vendidimus ad vitam duntaxat suam possidendam et habendam, ita tamen, quod, quando nos vel alter nostrum pro tempore ecclesie nostre prepositus seu alie nostri capituli persone cum suis servitoribus, equis et curribus venerimus in ipsa curiam, commodo camenate super cellarium et novi estuarii parvi iuxta eam camenatam et stabuli equorum iuxta necessarium in dicta curia ac aliis commodis necessariis pro eorum servis seu familia honeste et decenter perfruamur et nobis extunc pro pecunia nostra in expensis providebit, post ejus vero obitum eadem curia ad nos et ad ecclesiam nostram cum omnibus edificiis et meliorationibus suis sine consanguineorum vel affinium suorum nec non quorumlibet aliorum impetitione et contradictione libere revertetur. In omnium premisorum testimonium etc. Datum Brand. anno domini M^o. CCC^{mo}. LXXXIII. die conversionis beati Pauli apostoli. Datum Magd. anno domini, M^o. CCC^{mo}. LXXXIII. die purificationis beate Marie virginis meo sub sigillo presentibus appenso.

Nach einer Copie im ältern Copialbuche.